

stris salaria persolvat; qua in re normam sequatur omnino sibi a Ratiocinatoribus praescribendam, & a Secretario insubsignandam, in cuius calce singuli Professores & Ministri acceptilationem adscribent.

Inter ceteras vero conditiones & pactiones, ad quas obligetur, illa praecipua sit, ut debitam & convenientem pecuniam Nosocomio, & Achademiae Sacello sive anticipet, sive ad certam diem representet.

Oeconomus in publicis Achademiae functionibus, quibus Ministros interesse moris est, proximus a Secretario locus destinetur.

TITULUS XXXVII.

De Syndico.

§.38. In primo Concilio, quod a Festo Sancti Lucae convocabitur, Syndicus ad certum tempus pro rei opportunitate praesiniendum, eligatur, qui Professor quidem in Achademia non sit, Doctoratus tamen Lauream in Jure Civili obtinuerit. Hic vero in primis legitimam praestare cautionem omnino teneatur; & illud sui praecipui muneris esse noverit, ut Universitatis Constitutiones, & Statuta facta tecta serventur, nec unquam contra eadem vel a Definitorum vel a Concilio pleno aliquid decernatur, ut Titulo secundo praescribitur.

Quis & quando eligendus Syndicus. Cavere etiam, & satagere debet, ne quid ex consuetis Achademiae redditibus vel minimum detrahatur; atque debitores, si ita oportuerit, stimulare & compellere, ne culpabili ipsius cunctatione pendenda pecunia summa auferatur, & postmodum solvendo non sint, quod si fiat, ipse de suo Achademiae damna compensare teneatur. Lites proinde omnes & controversias apud competentes Iudices terminandas quamprimum, & expediendas curabit, sique ea propter ab Urbe proficisci ipsi necesse sit, regalia quindecim singulis diebus attribuatur. Quod si non legitime impeditur proficisci detraxerit, Achademiae Syndici ipsius impensis huiusmodi negotia personae alicui idoneae demandabit.

Quod sit illius munus. Praeterea multas Hospitali, Orario, vel Bibliothecae assignatas, in Codicem seu librum referat, quas exigit diligenter; ideoque saepius, quot quot indicatae sint, a Scholastico Notario percunctentur, qui easdem pariter in Codice descriptas habeat, ut Syndico manifestet.

Scholastici Alguasilius nullum antea educat e carcere, cui multa aut ad Hospitalis aut ad Bibliothecae compendium fuerit indicata, quin prius, quod debeat, persolverit, ac per Syndici apocam legitime de solutione constiterit. Quod si secus fecerit, multam eandem Alguasilius incurrat. Qui ne forte praesentis sanctionis ignoratione se excuset, cum eundem Scholasticus officio praeficiet, hac de re certiore fieri mandavit.

Exactas multas in locum ad id destinatum post triduum deponere Syndicus praesente Secretario teneatur, dupli poenam, si id praestare neglexerit, subiturus.

Multa ex Achademiae Sanctionibus irrogata, prout in ipsis praescribitur, attribuatur. Ubi vero, cui attribuenda sint, non constiterit, in tres partes distribuatur: quarum una Iudici: Delatori altera: tertia vel Orario, vel Bibliothecae, vel Hospitali Achademiae adjudicetur.

Si Iudici aut Delatori partes desiderantur in solidum, vel Orario, vel Bibliothecae, vel Hospitali adscribantur.

TITULUS XXXVII.

De Bidellis, & Bibliotheca.

§.39. Duo Bidelli praevio diligenti examine destinentur, quorum alter seu major Gymnasii, alter seu minor Bibliothecae vigilem curam impendat, & suam quisque munus per se non per substitutum exerceat, nisi valetudo interpellat, aut Cancellarii venia accesserit.

Ejusmodi officia nullus Doctor aut Magister obtinere possit; Si vero ipsi, qui obtinent, vel ad Doctoratum vel ad Magistrum promoveri voluerint, huiusmodi munere se abdicabunt.

Bidellus major tam ante quam post meridiem quamdiu Professores Achademiae lectionibus & aliis literariis exercitationibus vacant, in ipsa Universitate continenter adsit, & diligenter observet, num eandem rationem, formam, & tempus, ab Achademiae sanctum & ordinatum, in docendo Professoribus adimpleant.

Ut vero perspicue & fideliter haec exequatur, librum privatim apud se habeat tot libellis lectivorum dierum compactum, quot sint Professores. In singulis singulorum nomina, cathedram, tempus, & quid quid praeterea opus sit, distinctim referat, & digerat, ibidemque quotidianos singulorum defectus, vel dimidii horae quadrantis, describat, ut inde postmodum tanquam ex Autographo, addito tamen ipsius Bidelli juramento, multarum pro rata salarii persolvendi ratio ineatur.

Quotannis Tabellas lectivorum dierum Achademiae sumptibus typis impressas a Typographo accipiet, & singulis Professoribus distribuatur.

Bidellus vel in ipsis Achademiae aedibus habitet, vel prope Achademiam, ut facilius suo muneri & promptius satisficiat; si valetudine impediatur, Bidellus minor ejus vicem suppleat, cui proinde multarum liber seu codex commendetur, ne tanti momenti res memoriae tantum concedatur.

Bidellus minor aperiendis & claudendis opportuno tempore Gymnasii praerit, quamunda, & sacra tecta curabit; & quoties res flagitaverit, Praefectum Fabricae ea de re admonebit. Bibliothecae super custodienda onus suscipiat, confecto prius Inventario, & data legitima cautione; quam si praestare renuerit, officium alteri deferatur.

Singulis praesentis diebus ad lectionum horas ante & pomeridianas in Bibliothecae praefecto aderit, ut quicumque seu ex Professoribus,

A Bidellis munus per se explendum.

Ad haec officia nullus Doctor eligendus.

Majoris Bidelli munus.

Minoris Bidelli, seu Bibliothecarii partes.

Singulis annis a Cancellario visitanda Bibliotheca.

De Bibliothecae Praefecto.

Pecunia in commendis libris insumentum.

Quis in Coemeterio Magistrum eligendus;

Et quod illius sit officium.

ribus, seu Scholaribus eo convenerit, quos liberit libros evolueri possit. Quoties vero haec praetermiserit, nisi legitime fuerit impeditus, Cancellarius eundem duobus regalibus in ipsius Bibliothecae compendium multabit.

Libros a Bibliotheca nunquam exportari aut extrahi, Bidellus patiat, ad quod etiam in praestanda cautione obligabitur. Si secus fecerit, ad Protectorem Achademiae res deferatur, qui de hac re admonitus, quid facto opus sit, praecipiat.

Cancellarius adscitis Magistro Theologiae, Juris utriusque Doctore, Professore, Rhetorices, & Medicinae vel Artium Doctore, aut Magistro, qui primo post Festum Sancti Lucae Concilio deligendi erunt, Bibliothecam quotannis inviset; atque omnes soleriter inquirent ex ejus Inventario, num quid ex libris desit, & an propriorum vice alieni repositi sint, vel singuli suis locis ante dispositi, & quidquid praeterea ad Bibliothecae utilitatem noverint pertinere. Singulis Visitationibus Regalia quatuor, Cancellario octo pendantur, qui curet omnino ejusmodi anniversariam Bibliothecae inquisitionem statim tempore renovari.

Definitorum Concilium Professorem, vel perpetuum vel temporalem Catedram, obtinentem, Bibliothecae Praefectum ad nutum destinabit, qui Bibliothecam crebro adire, & soleriter curare debeat, ut muneri suo Bidellis satisficiat, ut Librorum usus omnibus expedire pateat, & quae hac de re constituta sunt, omnino retineantur. Visitationi anniversariae ipse quoque Bibliothecarius intererit; necnon stipendium, quod ceteris penditur, percipiet, praeter tres libras eidem in singulis annos attributas.

Singulis annis usque ad vigesimum Achademiae libris coemendis centum libras, deinceps vero unoquoque anno viginti libras expendet. Ut autem, qui componandi sunt libri, singulis Universitatis facultatibus congruenter respondeant, Cancellarius singulos uniuscujusque facultatis Doctores seu Magistros hac de re consulere debeat.

TITULUS XXXVIII.

De Coemeteriarum Magistro.

§.40. Concilium Definitorum, accurato Competitorum examine praemisso, eum eligat Magistrum Coemeteriarum, qui non illiberali officio, nec Civitatis, aut alterius personae famulatus sit addictus, sed qui Achademiae mores, ritus, consuetudines apprime noverit, & solerter percalluerit; ut probe per se ipse, non per substitutum, nisi quando legitime impediatur, officium suum adimplere possit.

In omnibus praeterea publicis Achademiae Functionibus, sive literariis, sive quibuscumque, adesse teneatur, virgum manu gestans aureo Universitatis stemmate insignitam, ut singulae ipsius ductu rite & de more peragantur; Ne in confectibus Achademiae praesentis sessionis ordo confundatur, neve

in conferendi Doctoratus solemnibus, aut ejusmodi aliis, ullus ex Doctoribus seu Magistris, nisi Doctorali sive Magistrali veste interfit, neque inter Doctores extranei admittantur, exceptis Hispaniae Magnatibus, & Proceribus.

In consuetis Achademiae celebritatibus, quibus singillatim Doctores interfunct, veluti cum ad vacantes Cathedras publicae lectiones habentur ex tempore, Doctores eosdem a Theatri janua ad subsellia usque comitetur, qui pariter una cum Magistro silentii eodem obsequio Cancellarium prosequetur, quotiescumque ille ad Academicos huiusmodi actus praesentia sua accesserit.

Si quando Personam aliquam Regia Dignitate praecellentem Cervariam adventare contigerit, tota Achademia eodem Ordine, quo in Doctoratum solemnitatibus incedit, debitam illis honoris & officii reverentiam exhibeat.

Achademia ad invisendas Personas in excellenti aliqua Dignitate constitutas certos ex Professoribus Commissarios allegabit: videlicet ad Magnates Hispaniae quatuor: duos vero ad Praefectos Militiae Generales, aut Regios Senatores, vel ad alios, quos eodem honoris officio dignos censuerit.

Ad Eminentissimos S. R. E. Cardinales octo: ad Archiepiscopos sex; ad Episcopos quatuor: duos ad Praefectos Generales Regalarium Ordinum.

Cancellarius in Concilio Achademico Professores allegandos deligat, quos duo Bidelli, Coemeteriarum Magister, & reliqui Achademiae Officiales, ut moris est, comitentur.

TITULUS XXXIX.

De Magistro silentii.

§.41. Magister silentii singulis Achademiae praesentis diebus ab initio Lectionum, vestibula, & atria Gymnasiorum circumbeat, rixantes Scholares deterreat, & in officio contineat, & vociferantes, qui Legentibus obstrepunt, componat aut coerceat, ut res Literaria, qua par est, tranquillitate pertractetur; quod si quis eidem monenti & imperanti resistere ausus fuerit, ab Achademiae Iudice puniendus erit. Reliquis etiam solemnioribus Achademiae actibus idem intererit, ut quoties & ubicumque oportuerit, ministerio suo fungatur.

Si quae sui sunt muneris, non accurate praestiterit, ea de re Coemeteriarum Magister Cancellarium admoneat, qui illius incuriam cognoscat, & in eundem animadvertet. Porro autem quemadmodum hic a Definitorum Concilio eligendus erit, ita ejusdem Concilii placito ab officio removeri poterit.

TITULUS XL.

De Horologii Achademiae Custode.

§.42. Minister idoneus ad Horologii custodiam a Definitorum Concilio constituatur, qui

Quid a silentio Magistro sit praestandum.

Quid a Custode Horologii.

qui illud diluculo & post meridiem diebus singulis invitat, ut paribus intervallis horas indicet, & ad campanæ sonitum designet, cuius regulam sibi proponant Professores, ut præfinitum ab Achademia docendi tempus legitime metiantur.

Horologii Custos campanam pulset pro solemnibus in Achademia Sacello celebrandis. Sedem locumque, ubi illud situm est fartum testum curet, & quoties opus fuerit, ea de re Fabricæ Præfectum admoveat. Si muneri suo satis non fecerit, Fabricæ Præfectus ad Definitorum Concilium deferat.

TITULUS XLII.

De Scholarum Scopatorio.

§.43. Definitorum Concilium aliquem, destinandum curet, qui mundandis & verendis Scholis incumbat, quod quidem semel in hebdomadam præstabit tempore lectivo, semel vero in mensem tempore feriato, ne situ foeda aut obsoleta fordescant; quique etiam tam ante quam post meridiem antelæctionum tempus Gymnasia & Cathedras circumspiciat, ne quod offendiculum mox lecturos moretur aut præpediat. Si negligenter munus suum agat, Bidellus alter rem Cancellario denunciât, qui pro incuria multam irrogabit.

TITULUS XLIII.

De Achademico Sacello.

§.44. Ex quatuor Cappellaniis Achademici Sacelli, quartam, quæ major est, Presbytero ad arbitratum suum Rex destinabit; Ad tres autem reliquas obtinendas idonei Presbyteri ab Universitatis Concilio ex ipsis, si fieri possit, Achademici Scholaribus deligantur, quibus ex eisdem Universitatis redditibus congruus annuum salarium attribuat; videlicet, centum quinquaginta libræ Cappellano majori, reliquis tribus centum libræ singulis; nec poterunt nisi ex causa legitime removeri.

Alter ex Cappellanis Sacrarum Editus constituat, qui cautione præfita, & addito de iis, quæ ad officium suum pertinent rite peragendis juramento, Vasa Sacra, Vestes, & reliquam Sacrarum Suppellectilem Inventario describam, qua par sit, decencia & munditia curandam & custodiendam suscipiat, & singula, quæ Missis celebrandis necessaria sunt, præparet ac disponat. Huic etiam ex Achademici proventus congrua merces assignabitur, triginta nimirum libræ die Natali Domini, totidemque die Natali Sancti Joannis Baptistæ.

Cæteri ad Sacelli solemnia necessarii ex Achademici censu, non Sacristæ impensis, comparentur. Hi vero sumptus ad Protectoris Achademici voluntatem faciendi & moderandi erunt, fietque solutio per mandatum ab ordinario Sacelli Visitatore subscribendum.

Sacrista Clericum præficiet, qui Missis

Ad majorem Cappellaniam Sacelli Achademici Presbyteri a Rege, ad ceteras ceteri ab Univers. Concilio destinandi.

De Sacrarum Editus, eius officio, & mercede.

De Ceteris, eorumque impensis.

celebrandis ministret, & Sacratio infervat, cui, præter vestem ministerio congruentem cum superpelliceo, quinquaginta regalia in Natali Domini, totidemque in festo Nativitatis Sancti Joannis Baptistæ erogentur.

Presbyteri Cappellani præfatas obtinentes quotidie Missas in Achademia Sacello celebrare teneantur, horis pro majori opportunitate Professorum & Scholarum a Cancellario præfigendis.

Missæ applicentur pro Rege ejusque in Regno Successoribus, pro Achademia Benefactoribus, ejusdemque incremento, & in saniori doctrina, omnibus reiectis erroribus, firmitate & reservata intentione ipsis Presbyteris duobus tantum ad libitum diebus in singulis hebdomadas. In eo tamen Missarum numero computentur illæ, quas in Professorum & Doctorum funere celebrari sancitum est.

Iusta Anniversaria Serenissimo Hispaniarum Regi Philippo V. Cervariensis hujus Universitatis Parenti & Fundatori præclarissimo, maxima, ut par est, celebritate perpetuo impostum in Achademia Sacello persolvantur.

Cappellani solemnibus, quæ in Sacello Achademici celebrantur, quibuscumque Festis interfint: videlicet, in die Sancti Luca: in commemoratione Anniversaria pro Achademici defunctis: in solemnibus octava Conceptionis Beatæ Virginis Mariæ: in Festo Corporis Christi: & aliis pro tempore indicendis; atque illis proinde ultra Salarium annuum quinquaginta regalia in Natali Domini, & totidem in Festo Nativitatis Sancti Joannis Baptistæ dependantur.

Tabella ad Sacristiam affixa tam Cappellanos, quam Sacristam & Clericos, quid & quo tempore pro munere præstare debeant, descripto palam admonebit.

Antiquior Theologiæ Professor singulis mensibus Achademici Sacellum invitat, solerter inquisiturus, num Cappellani & Sacrista, quod suum est, accurate perficiant; eaque de re, si opus fuerit, Cancellarium admoveat, qui una cum Theologo Visitatore, & utriusque Juris Professore perpetuo semel quotannis Sacellum adeat, universaque & singula, quæ illud spectant, diligentiori examine perquirat.

Magistro Theologiæ, Visitatori ordinario, in Festo Nativitatis Domini gallinæ duodecim attribuantur.

TITULUS XLIII.

De Primicerio.

§.45. Definitorum Concilium, quod post Festum Sancti Luca convocabitur, Sacris ante in Achademia Sacello de implorando Divini Spiritus numine rite peractis, primum ex Theologorum Collegio, tum reliquis deinceps annis Juristarum, Medicorum, Philosophorum, Primicerium creabit, qui secundus a Cancellario solemnibus, quæ in ipso Achademici Sacello celebrantur, Festis præsit; atque provideat, ut accurate & juxta ritum Uni-

Missæ quotidie celebrandæ.

Pro quibus applicandæ.

Anniversaria pro Rege Philippo V.

Cappellano oneta.

Antiquior Theologiæ Professor Sacelli Ordinarius Visitator.

A quibus creandus Primicerius.

Universitatis peragantur, quique pecuniæ ea de causa expendendæ rationem habeat, quæ præsentibus distribui solet: duo nempe Regalia singulis Doctoribus, singula singulis Ministris, Primicerio, & Cancellario quatuor, dummodo præsentibus fuerint: dispertendam curet, ut nihil inde detrimenti Aerarium Achademici patiatur.

Si res ejusmodi emerferit in negotiis a Primicerio transigendis, quam ipse Achademici consultatione dignam censeat, a Cancellario Definitorum Concilium (in quo etiam post Cancellarium sedem habeat) congregari exposcat, ut, quod ratio suggererit, decernatur.

Solvendi mandata pro expensis ad solemnia faciendis, præterquam ab aliis, ut cautum fuit, a Primicerio etiam suscribantur. Quod si aliter ea ab Oeconomo in reddendis rationibus exhibita fuerint, tanquam illegitima, apud Ratiocinatores reproberentur.

TITULUS XLIV.

De Festo Conceptionis B. M. V., & ejus solemnibus octavo.

Quo tempore hujusmodi celebranda Festivitas.

§.46. Quotannis tempore, Ascensionis Domini & Penthecostes celebritatem intercurrente, vel post octavam Corporis Christi, si ita pro ratione temporis opportunum videatur, tota Achademia Festum Conceptionis Beatissimæ Virginis, Universitatis hujus Tutelaris & Titularis, Sacro octo dierum curriculo Achademiciis plaustibus concelebrabit.

Achademici Concilium a primordio mensis Januarii quatuor Professores, binos videlicet pro Sacris functionibus, binos autem pro Achademici accurate dirigendis, destinabit; singulis autem octavæ diebus omnium scientiarum Achademici Professores, octo Alumnis ex Achademici præscripto, qui præcipuum ingenii speciem præstulerint, ad generales Theses pro suggestu propugnandas omni cura & studio delectis, Patroni assideant; Ex Alumnis autem egeni & pauperes præferantur.

Octo illis diebus Theses proponendæ.

Orationes in laudem Conceptionis M. V. legendæ.

Singulis diebus, priusquam hujusmodi Theses propugnentur, orationes in laudem Immaculati Conceptus Virginis Matris Mariæ a Grammaticæ vel humaniorum literarum cultoribus publice habeantur, ab ipsis vel Grammaticæ vel humaniorum literarum Professoribus elucubrandæ, ex quibus tres latino, quarta Hispano carmine, tres aliæ rursus soluta oratione, & postremo una Græco idiomate.

Quo ordine proponendæ Theses.

Theses in hoc solemnibus octo dierum spatio Propugnandæ, ex Theologia, Jure Canonico, Jure Civili, Medicina, & Artibus seligantur. Professores ex ordine præsidebunt: Videlicet pro artibus, septem ipsarum Artium Professores, ac Philosophiæ moralis, & Matheos Prælector: Pro Medicina, sex Medicinæ & Chirurgiæ Professores: Pro Jure Civili, Primarii Pandectarum, & Codicis, & Vespertini Digesti veteris, & Voluminis: Pro Jure Canonico, Primarius & Vespertinus De-

cretalium, Decreti, Concilii Tridentini, Sexti, & Clementinarum: Pro Theologia, ejusdem facultatis Professores. Singulis Octavæ diebus hic ordo servandus erit: nimirum tribus prioribus diebus tres Theologiæ Professores, videlicet primus ex Schola Sancti Thomæ, secundus ex Doctrina Scoti, tertius ex Sententia Doctoris Suarez; Sed tertio quoque anno loco Professoris Theologiæ ex Doctrina Scoti, Professor Artium ejusdem Sententiæ uno ex tribus octavæ postremis diebus, substituatur: Die quarta unus ex Juris Canonici Professoribus: Die quinta ex Juris Civilis: Die sexta unus ex Medicinæ vel Chirurgiæ Professoribus: septima & octava die, vel duo Artium Professores, vel moralis Philosophiæ Professor cum altero Artium. Secundo vero quoque anno cedentibus altero Professoribus, altero Artium Sententiæ Sancti Thomæ, altero vero Suarez, altero tritius locum Matheos Professor obtinebit.

Adversus harum Thesium Propugnatores ii dumtaxat, qui Doctorali seu Magistrali laurea decorati fuerint, argumenta proponent. Verumtamen in utroque Jure postremus arguendi locus temporalibus etiam Professoribus, Doctoratum licet non adeptis, concedi poterit.

Singuli Patroni Regalia viginti: Sex autem argumenta proponentes: Regalia itidem viginti Grammaticæ, & Rhetoricæ Professores accipiant: Alumnis autem, qui Panegyrim recitaverint, gratis cursum probationes, & Matriculæ pro toto studiorum curriculo concedantur.

Pensionibus singulis solvendæ.

TITULUS XLV.

De Funere Achademiarum.

§.47. Singulis Professoribus vita defunctis in Sacello Universitatis Sacris solemnibus, Professorum & Doctorum interventu, iustè persolvantur, & Missæ insuper viginti quatuor pro uniuscujusque Anima celebrentur. Cancellarii vero funus Parentali etiam oratione, ab oratoria Artis Præceptore, cui conductum honorarium munus attribuitur, elucubrandæ & enunciandæ decorabitur, & omnibus, quæ in Achademia moris sunt, supremis officiis. Pro quibuslibet aliis Doctoribus seu Magistris, quos vita functos constituerit, duodecim in eodem Sacello Missæ applicentur.

TITULUS XLVI.

De Nosocomio, sive Hospitali Universitatis.

§.48. Hospitalis regimini Presbyter idoneus ab Achademici Concilio præficiatur, cui ex Inventario committatur universæ Suppellectilis cura, quique sedulo animadvertere debeat, ut Scholares infirmi non aliter, quam Sanctionibus cautum est, recipiantur; ut nimirum testimonium matriculæ & paupertatis exhibeant, eisdemque contagione non laborare Primarius Medicinæ Professor attestetur. Post diem naturalem receptos Sacramen-

De Nosocomij Presbytero ejusque officio.

mentali poenitentia expiandos curet; Morbo autem ingravescente sui muneris erit, nihil, quod in supremo illo discrimine Christiana Institutio precipit, ad animarum salutem negligere.

Singulorum nomina, patriam, diemque receptionis in Codicem ad id paratum referat, ibidemque describat, quidquid in veste, vel alia quavis re secum attulerint, ut ipsis pristinam valetudinem adeptis restituatur. Quod si obierint, de re hujusmodi ad Cancellarii placitum, nisi prius id aegroti constituerint, disponatur.

Medico & Chirurgo Infirmos visitantibus Presbyter Hospitalis Praefectus interfit; itidemque, cum cibus ipsis ministratur.

Ex annuo Achademiae censu, centum, quinquaginta librarum stipendium ipsi assignabitur; & quidquid praeterea pro aegrotis salubrius alendis, curandis, & sustentandis opus fuerit, suppeditetur.

De Praefecto, & Visitatore.

Praeterea Concilium Achademicum, quotannis post Festum Sancti Lucae perpetuum eligat Professore, qui crebro, aut semel saltem in hebdomadam, Achademiae Nofocomium inviset, ut quae ad ejusdem regimen ipsius Universitatis legibus comparata sunt, diligentius exequantur. Ipse vero Scholasticus singulis annis cum duobus Medicinae Professoribus eodem accedat, ut Praefecto pariter & Visitatore praesentibus universa singillatim discutiat, & sedulo exploret.

Praefectus & Visitator personam idoneam, aut duas, si urgeat necessitas, ad Hospitalis ministerium constituent, quae resciscendis aegrotis cibos praeparat, caeteraque hujusmodi munera diligenter adimpleat, a qua Presbyter in dies singulos de expensis rationem repetat, quam ipse in singulas hebdomadas Visitatori reddat, quem etiam praecipue de extraordinariis & non modicis impensis consultet.

De Hospitalis Suppellectili.

Hospitalis octo saltem aegrotis commode alendis & sustentandis paratam habeat Suppellectilem, vel etiam duodecim si ita ab Achademiae Consilio decernatur.

Visitatori Hospitalis ordinario in Festo Natalis Domini viginti quatuor gallinae tribuantur.

TITULUS XLVII.

De Domibus conducendis, & Convictorum regimine.

Domus locanda per aestimatores a Scholastico eligenda.

§.49. Qui Studiorum causa ad hanc Cervariam Achademiam adveniunt, Domos Oppidanorum conducere, vel privatis pactioibus, vel certa pensionis lege cum locatoriibus convenire non possint, sed res omnino per aestimatores ad id peculiariter destinatos transigatur.

Scholasticus igitur quotannis opportuno tempore duos eligat honestos, & integritate conspicuos Viros ex hac Civitate non oriundos, qui non alicujus gratia, non privato studio vel odio, aut proprii emolumentum cupiditate impulsus, sed justitiae dumtaxat, & conscientiae, ac veritatis sibi normam proponentes, domorum situm, magnitudinem, quali-

tatem rite ac fideliter inspiciant, & de hujusmodi locationibus iudicium suum pronuncient, ac per Notarium in acta referendum, curent. Quod si discordes in iudicio vel aestimatione fuerint, iis adjungatur Rector Collegii Societatis Jesu, vel Guardianus Cappucinorum, ut hoc moderamine adhibito majoris partis iudicium observetur. Si vero vel Locator, vel ejus nomine alius quispiam praeter aestimationem modo praescriptam majus aliquod pretium a Conductoribus accepisse, deprehendatur quadruplum in usum Hospitalis Achademiae persolvat. Itidem si Conductores damnum aliquod, vitium, aut iacturam aedibus intulerint, praestari ab illis omnino curent aestimatores.

Sine Cancellarii consensu Scholasticus hospitio non recipiendi.

Nemo sine Cancellarii venia Scholares suas in aedes hospitio excipiat; quod tamen Professoribus Sacerdotibus, omnibusque licebit, qui Scholares intra quartum cognationis gradum sibi conjunctos accipere velint.

Si Achademici, & ii, qui foro Achademiae non gaudent, in eandem aedem conductione concurrant, Achademici praerantur.

Singulis quoque annis de mense Augusti iidem Aestimatores coram Cancellario stipendium vel menstruum vel annum a Scholaribus, qui in privatis Oppidanorum aedibus hospitantur, & visitant, persolvendum iudicabunt; hoc vero circumstantiis omnibus rite inspectis & observatis pro diversa Studentium conditione diversimode constituent: Primae videlicet, secundae, & tertiae classis, & ineunte mense Septembris ejusmodi taxa publicanda erit. Quod si Aestimatores opiniones discrepant, eas dirimet sua sententia Cancellarius.

Aestimatores, & Notario quotannis viginti librae ex Aulario dependantur.

De Baccalaureis Convictorum alendis.

Si quis Achademiae Baccalaureus viginti quinque annorum major, vita, moribus, honestate, ex duorum propriae facultatis Professorum testimonio probatus, desideret, juxta Collegii consuetudinem & normam, domum suam ad suscipiendos & alendos Convictores instruere & comparare, veniam in scriptis a Cancellario impetrabit; quod fieri poterit a Festo Nativitatis Sancti Joannis Baptistae ad totum usque mensem Augusti. Utque securus morum honestati, studiorum progressui, & pietati Convictorum consulatur, quod ea de re Achademiae legibus sancitum est, se omnino servaturum obstringet. Quoniam vero plurimum conducit ad morum disciplinam, ut Scholares non solum publico, sed etiam privato regimine contineantur, assidue apud eundem Tutorem cibum sument & pernoctabunt, atque ejusdem auctoritati in omnibus subiacent.

Baccalaureo plures quam duodecim Convictores non liceat admittere, eosque non diversarum facultatum, sed vel utriusque Juris, vel Theologiae, sive Medicinae, aut Artium Studiosos, vel Germanos & ejusdem Familiae; nec Famula uti, nisi veniam de scripto a Cancellario ejusve Judice impetrarit.

Pro stipendiis etiam a Convictoribus in mensem aut annum Baccalaureo tutori persol-

folvendis Aestimatores a Cancellario destituti taxam concitent.

Baccalaureis Convictoribus educationis quidam praestitum tamen cautione.

Universitatis Oeconomus de mandato Cancellarii per Secretarium subsignato singulis Baccalaureis, qui facultatem de scripto alendi & educandi Convictores obtinuerint, quinquaginta libras pro annona comparanda, imperietur; cautione tamen ab eisdem accepta, se aequalem summam ad praestituta tempora in Aarium reposituros: videlicet viginti quinque libras ad Natalem Domini, & reliquas viginti quinque libras ad Festum Sancti Joannis de mense Junii.

Cancellarius ejusdemque Index Convictorum aedes inviset, & sollicite incumbet, ut legitime, quod sancitum est, observetur; ac praecipue, ut infra praescriptarum regularum norma ad unguem servanda custodiatur.

Regulae servandae a Baccalaureis, & jusque Convictoribus.

I. Baccalaureus singulorum Convictorum, quos receperit hospitio Nomina, Patriam, Parentes, aut ipsorum Curatores in Codicem describat.

II. Convictor initum semel in Baccalaurei aedibus hospitium, non nisi post confectum annum, relinquet, dummodo causa hujusmodi non intercedat, quam Cancellarius iustam comprobavit.

III. Convictores consuetis horis communi mense una cum Baccalaureo, valetudine non impedito, accumbent.

IV. Baccalaureo Convictorum tutelam & regimen deserere non liceat, quin duos ante menses hac de re Cancellarium admonuerit, veniamque ab eo petierit; qui, si aequum visum fuerit, petitioni huic indulget.

V. Idem nunquam ab hac Civitate sine Cancellarii venia proficiatur.

VI. A die S. Lucae usque ad diem primum mensis Martii post horam sextam vespertinam Baccalaureus januam aedium principalem obserari mandabit; Exinde vero usque ad idem S. Lucae Festum hora nona. Janua semel oclusa per totam illam noctem nunquam referabitur, nisi repentina & inopinata alicujus aegroti necessitas aliter cogat, vel aliquis ex Convictorum Cognatis ad Cervariae Civitatem noctu superveniat.

Convictoribus hostis ab aedibus abesse nullimode concedendum.

Legem hic praescriptam semel in mense post prandium vel cenam Convictoribus praelgere Baccalaureus teneatur. Baccalaureus non nisi ex rationabili causa, de qua sibi constat, aliquem ex Convictoribus noctu ab aedibus abesse patiat. Si quis vero per tres noctes abfuerit, hac de re Cancellarium certiore faciat, qui causis absentiae cognitis, & rigorose discussis, Convictori, prout jus fasque fuerit, vel ignoscet, vel in eundem animadvertet. Quod si Baccalaureus id neglexerit, prima vice decem libras, secunda viginti Hospitali applicandas in multam dependet.

Diligenter idem Baccalaureus observet, num consuetis horis Convictores studio impendant, simulque eos admoneat, ut frequenter & accurate lectionibus Achademicis interfuit. Nunquam alea aut talis ludere patiat; semel tamen in hebdomadam, ac diebus Festis tempore, ad literarium penum non destinato, alumnos convenienti ludo exerceri permittet.

Foeminas, praesertim suspectas, ab aedibus, ubi Alumni habitant, procul arceat; Si quid vero horum praetermiserit, a Cancellario, prout aequum visum fuerit, punietur.

Suspectaeque foeminae a vicinis removenda.

TITULUS XLVIII.

De Achademia Domicilio, & ejusdem octoginta Convictoribus.

§.50. Aedes ad latera frontispicii Achademiae constitutas, alteras Cancellarius, alteras Judex inhabitet. Quae a tergo aedificii sunt, alteras Alguasilius Scholasticus & Magister silentii, alteras Bidelli occupent.

Editior Domicilii pars Gymnasii Achademiae superimposita, reservato ad Nofocomium usum opportuniori loco, pro octoginta Scholaribus, ipsius Universitatis impensis & cura alendis atque educandis, constituitur.

Convictores quibus ex hoc assumentur.

Hi porro ex toto Cataloniae Principatu eligendi & assumendi erunt: Decem videlicet ex Archiepiscopatu Tarraconensi, cui Archipresbyteratus Ageren, & quodvis aliud nullius Dioecesis Territorium, pro hujus dumtaxat Sanctionis effectu, annexum censetur: totidemque ex singulis aliis Episcopopatibus: ex denis vero pro quibusque Philosophiae, Medicinae, Juris Civilis, Sacrorum Canonum, & Theologiae Studiis bini assumantur.

Ad quos illorum spectet nominatio.

Archiepiscopus Tarraconensis, Episcopi Barchinonensis, Gerundensis, Ilerdensis, Dertusensis, Urgellensis, Vicensis, & Castellonensis, aut, Sede vacante, Capitulum Vicarii Generales decem Scholares nominent, ex sua quisque Dioecesi oriundos, legitimis & honestis Parentibus natos, optimis moribus & indole praeditos, quos suis literis Scholastico Achademiae commendabunt, ut in Achademiae Domicilium recipiantur; quo recepti & cooptati, tenue quoddam subsidium persolvant, scilicet viginti libras ad Festum Sancti Lucae, & totidem ad Festum Dominicae Resurrectionis, ut sumptus, quos pro iis alendis & sustentandis Achademia facit, aliqua saltem ex parte releventur.

A Cancellario vivendi norma illis danda.

Cancellarius de consilio Professorum Primarias Cathedras in Achademia regentium, instituti rationem, vivendi normam, modum, & formam, Convictoribus praescribet, quorum regimini aliquis ex Professoribus, qui Clericus sit non conjugatus, praeficietur.

Tempus Convictus.

Hujusmodi Convictores spatium temporis praescriptum habeant, quandiu Achademiae hospitio & convictu uti possint: Artium videlicet Cultores in triennium vel in quadriennium, addito nimirum pro eorum libito quarto Philosophiae Moralis anno, vulgo de Passantia, & ad totum deinceps facultatis, quam elegerint, conficiendum cursum, ac etiam ad Licentiae Gradum obtinendum: Medici in quadriennium dumtaxat: Juris utriusque Cultores in sexennium: Theologi in quinquennium.

Si Artium Studiosus, post confectum Dialecticae cursum, ad Juris prudentiam se conferat,

ferat, aut post Artium triennium, vel Theologiam, vel Medicinam aggrediatur totum quadriennium pro Artibus sibi concessum confecisse censetur, adeo ut pro alia facultate addiscenda diutius, quam prescribitur, eo praxextu morari non possit.

Altero e Collegio discedente alter succedat.

Quotiescumque aliquis, qui pro Artium studio inter Convictores adscriptus sit, e Collegio egressus fuerit, alius item pro eadem facultate in ejus locum succedat. Quod & in ceteris facultatibus perpetuo servandum erit, sive quis totum tempus sibi attributum expleverit, sive dimidium aut interitum reliquerit.

Cancellarius, cum Convictoris locus vacaverit, Praefulem, ad quem pertineat, consensum reddat, ut successorem ad annum mox secuturum praemittat.

Si quis in anni spatium ex quavis causa a Convictu abfuerit, ipfius locus a successore occupetur.

Qui ex illis di.

Qui ad Studium, ut par est, non incubuerit, aut mores suos, ut hos decet Convictores, ad honestatis regulas, & Achademiae praescripta non conformarit, citra spem veniae expellatur; quod Cancellarius, prout sua fides & conscientia suaserit, rigorose praestabit.

Convictores secundum facultates distribuendi.

Convictores non secundum Dioceses, sed secundum diversas facultates, quibus operam dabant in diversas classes distribuantur: videlicet, Artium, Medicinae, Juris Canonici, Juris Civilis, & Theologiae, ex quarum classum singulis ille, qui ceteris praecellet, earumdem Decanus a Capcellario constituitur.

Aedum divi.

Professori, Collegii Praefecto, & facultatum Decanis melior & opportunior adium pars praeter ceteris Convictoribus ad incolendum assignabitur.

Convictores ejusmodi Achademica veste, qua Scholares ceteri, induantur: Insuper vero Achademicae Stemma ex serico contextum vesti ad pectus affixum gestabunt.

Ex Convictoribus octo eligendi ad defendendas Theses in Octava Conceptionis, M. V.

Alternis annis ex octoginta Achademicae Convictoribus octo seligantur, qui in solemnibus purissima Conceptionis B. V. Mariae Octava Theses publice defendant, & in plerisque aliis Achademicis actibus & functionibus inter omnes Universitatis Alumnos primas teneant.

TITULUS XLIX.

De Praefecto, sive Oeconomo Fabricae Achademiae.

A Concilio Definitorum eligendus Oeconomus.

§.51. Concilium Definitorum, quod post Festum Sancti Lucae coegetur, unum ex Professoribus Cathedras perpetuas obtinentibus constituet, qui, quotiescumque oportuerit, per Bidellos admonitus, quidquid in Achademiae sive Gymnasii sive aedibus reficiendum reparandum restituendumve fuerit, quam primum oportune perfici curabit. Opifices autem ab eodem Concilio ad hujusmodi Ministerium destinatos adhibebit, quibus nullum salarium praeter mercedem laboris impensam assignandum erit.

Praefectus Fabricae calcem, ligna, & quodlibet caementi genus (etiam sub hoc obtentu, ne videlicet sita pereant) citra Definitorum consensum, & legitimam praestitam cautionem, nec commodare nec mutuo dare possit; ac etiam Definitores adire teneatur, si expensa immodice fieri debeant. Mandata solvendi, quae ad fabricae Praefecturam spectent, ut rata sint, & legitima, praeter obfignationes consuetas & praescriptas, ab ipso Praefecto subscribantur.

Mandata solvendi a Praefecto Fabricae subscribenda.

In Concilio Definitorum ante festum Sancti Lucae Praefectus Fabricae sui muneris rationem reddet; sique eisdem Definitoribus Praefecturae tempus prorogari utile atque opportunum visum fuerit, proxime cogendo Concilio in eadem Praefectura confirmabitur.

Ab eodem Praefecto coram Definitoribus singulis annis reddenda ratio.

Fabricae Praefecto perdecem duodecim, & totidem gallinae in Natali Domini attribuentur.

TITULUS L.

De Veste, & honestate Achademicorum.

§.52. Scholares omnes Talari veste vel nigra aut subfusca, nunquam serica aut pretiosa, decenter induantur; nec luxum aut fastum praesferant, sed modeste, ut Achademicos decet, ubique se gerant. Mulieres aut inhonestas aut utcumque suspectas nec apud se retineant nec invitant. Praetor autem Cervariae, si quam impudentem & manifestam deprehenderit, statim a toto sua Jurisdictionis Territorio exterminabit, idque ad solius Cancellarii requirentis informationem praestare teneatur; Scholaribus nec interdiu nec noctu arma gestare, aut apud se habere liceat.

Scholaribus vestium luxus.

Et Armorum delictis interdicens.

Hinc cauponas, & popinas non adeant, nec crapulae ac commestationibus affuescant, & ab injuriis & contumeliis inferendis, libellis famosi edendis, unde vel persona derisui seu ludibrio exponatur, vel alicujus existimatio aut fama laedi possit, omnino abstineant, super quibus vigilem omnino curam operamque Cancellarius impendat, ut in omnibus futura hujusmodi damna, qua par est diligentia provideat, & caveat. Injurias autem, & contumelias, si forte (quod absit) illatae fuerint, debitis poenis coercet.

Quae ab eis fugienda.

Qui Doctoratus Lauream non obtinuerit, Doctoralem vestem adhibere non possit, neque usus ensis, hujus Achademiae gradu decoratis concessus, vel ad artium Magistrum, vel ad cujuscumque facultatis Licentiatos extendatur. Scholaribus vero cujuscumque conditionis aut gradus enses gestare omnino interdictum sit.

Scholaribus usus ensis omnino interdicens.

Nullatenus Scholaribus Judici seculari noctu se se comites addere licebit; quod si unquam commiserint, ab Achademia ejicientur. Itidem nunquam per plateas & compita larvati incedent: Prima vice decem diebus in Carcere detineantur: Secunda viginti: Tertia ab Urbe expellantur. Cervariae Praetor

TITULUS LII.

De Redditibus Achademiae, Ratiociniis, & Administrationis forma.

§.54. Omnes redditus, & proventus, bona, census, resque frugiferae, quae vel in praesentiarum possident, vel imposterum Achademia possidebit, ordine digesta, in Codicem ad id paratum distincte referantur, ex quo vel locandarum rerum, vel rationum subduendarum regula sit in promptu.

Re. Idicis omnes &c. in Codicem referendi.

Ex redditu autem, qui aere alieno, & oneribus dissolutis annuatim superfit, res stabiles & frugiferae comparentur. Bona stabilia praesertim alienare Achademia proprio jure nequaquam possit. In Concilio Definitorum, quod post festum Sancti Lucae convocabitur, Doctores quatuor sive Magistri eligantur, ex quibus duo saltem Professores sint, qui perpetuam Cathedram obtineant, duo vero in Canonico vel Civili jure Doctores, quorum officium in biennium duret, ita tamen, ut binis remotis, bini rursus in singulos annos assumantur. Hi vero Doctores seu Magistri quot annis mense Septembris coram Scholastico, Achademiae Scriba interveniente, exhibitam ab Oeconomo, seu Administratore accepti rationem cognoscent, & ponderabunt. Scholasticus, Scriba, & praefati quatuor Ratiocinatores summa sedulitate tanti momenti rem pertractabunt, ne propter eorum negligentiam aliquid Achademiae detrimentum patiatur.

Quatuor eligendi Ratiocinatores ad cognoscendam exhibitam ab Oeconomo rationem.

Inter Cancellarium Ratiocinatores & Secretarium, absoluto ratiocinio, centum librae ex aequis partibus distribuuntur; duplex tamen portio Cancellario tradatur. Achademiae Secretarius alternis mensibus, quidquid in Achademiae compendium vel ex collatione graduum, vel ex Cathedrarum adeptione, aut aliis id genus juribus ad eandem pertinentibus collegerit, apud eodem profiteri, & de singulis rationem reddere teneatur.

Praemium Ratiocinatorum Cancellarii & Secretarii.

Secretarius illis rationem reddere debet.

Syndicus pariter senis quibusque mensibus hoc idem de multis seu poenis pecuniariis, sive a Scholastico ejusve Judice, sive per Statuta inlicitis a se, vel exactis, aut ex officio exigendis, praestabit. Praeterea post redditus ab Oeconomo rationes, quidquid ex redditibus exigendum superfit, prout sui muneris est, quantocius exigere non praemittat.

Syndicus quoque senis quibusque mensibus.

TITULUS LI.

De Privilegiis Achademicorum.

§.53. Hujus Achademiae Doctores, Magistri, Licentiatii, Baccallaurei, Scholares, Officiarii eisdem gaudeant Regii privilegiis, honoribus, praerogativis, gratiis, Immunitatibus, quibus in Achademia Salmantina, Complutensi, Vallisoletana, & Osenfi hujusmodi personarum classes perfruuntur, & gaudent. Quibus praeterea quomodo in Achademia vel doctrinae vel ministerii causa versantur, quemadmodum Ecclesiastici Cervariae, & ipsi a vestigalibus, quae Civis Magistratui, aut Civitati Cervariensi persolvunt, immunes erunt. Verumtamen circa vinum, oleum, ceteraque ad victum & annonam pertinentia, coemenda, eadem lege, qua ceteri, obligentur; dummodo in hisce eodem, etiam, quo Ecclesiastici, jure censentur.

Achademici a vestigalibus non secus ac ceteri Ecclesiastici immunes.

Scholaribus usus ensis omnino interdicens.

De Ludis Scholaribus permittendis.

Scholarium contractus irriti.

Infamia notati non admittendi.

Achademici a vestigalibus non secus ac ceteri Ecclesiastici immunes.

§.55. Alternis annis Definitorum Concilium duos eligat Professores, alterum perpetuum, temporalem alterum, quibus Typographiae procurandae onus & cura incumbat, quique diligenter attendant nam Typographus, qui vel Universitatis nomine, vel conductionis titulo excudendi munus susceperit, suo muneri probe satisfaciatur: accepti & expensis tabulas digerant; & ab eodem Typogra-

De Typographiae Praefectibus.

pographo rationes repetant, ut quidquid exigendorum reliqui fiat, quamprimum exigatur: ac census denique ex praeli usu profecti apud Oeconomum, seu reddituum Administratorem deponantur.

Solvendi mandata, pro impensis ad Typographiam curandam vel instruendam faciendis, praeter subscriptiones Achademico jure sancitas, a duobus Commissariis subscribuntur. Quod item in reddito ex ipsa Typographia percipiendo, & in ararium inferendo fervetur. In Natali Domini singulis Typographiae Commissariis perdecies duodecim tribuantur.

Typegraphi Privilegia.

Typographus, dum hanc Achademiae officinam rexerit, foro & privilegiis Achademorum perfruatur.

TITULUS LIV.

De Salariorum Professorum, Cathedras perpetuas obtinentium.

- §.56. Ex tribus primariis Theologiae Cathedris in annuum salarium accipiant singulae biscentum libras 200. Lib. Vespertinae Cathedrae Theologiae singulae 150. Lib. Cathedra Sac. Bibliorum 150. Lib. Cathedrae Theologiae Morales 150. Lib. Cathedrae Philosophiae Morales 150. Lib. Cathedrae Primariae Juris Canonici, & Civilis, singulae 450. Lib. Cathedrae Vespertinae Juris Canonici, & Civilis, singulae 400. Lib. Cathedra Decreti 350. Lib. Cathedra Conc. Trid. 300. Lib. Cathedra Primariae Medicinae 380. Lib. Cathedra Vespertinae Medicinae 300. Lib. Cathedra Prognosticorum 200. Lib. Cathedra Matheos 200. Lib. Cathedra Rhetorices 200. Lib. Cum in solvendo, pro rata salariorum, tam Professorum quam Officialium pars aliqua ex hisce, mulctarum nomine deducenda erit, annus Achademicus secundum dies utiles, non continuos computetur.

TITULUS LV.

De Salariorum Professorum, Cathedras Temporales obtinentium.

- §.57. Temporales Cathedrae Decretalium, Sexti, Clementinarum, necnon Institutionum Civilium, & Digesti Veteris singulae 200. Lib. Cathedra Methodi 180. Lib. Cathedra Simplicium 200. Lib. Cathedra Chirurgiae 200. Lib. Septem Cathedrae Artium singulae 150. Lib.

TITULUS LVI.

De Salariorum Professorum Grammaticae Latinae, & Graecae.

§.58. Cathedrae Grammaticae Latinae, & Graecae singulae centum libras, quas Cervariae Civitas Rectori Societatis Jesu Collegii Sancti Bernardi ejusdem Civitatis, prout in eorumdem Instituto de more cautum est, persolvat: Centum videlicet libras mense Septembri: centum vero mense Decembri: centum mense Martio: & centum mense Junio. Quotannis autem mense Augusto solutionem hanc, Secretario & Oeconomo inspectantibus, legitimis documentis Cancellario probabit, idque Secretarius, ut reliqua Professorum salaria, in Codicem transcribet.

Salaris Professoribus linguae Latinae, & Graecae debita Rectori Collegii Sancti Bernardi S. J. persolvenda.

Cancellarius insuper curet solutiones hujusmodi statis temporibus adimpleri, perinde ac in ceteris Professorum salariis.

TITULUS LVII.

De Salariorum Officialium Achademiae.

- §.59. Secretarius 120. Lib. Oeconomus vero salarium, quod ipsi Definitorum Concilium, consulto Achademiae Protectore, assignabit: nec semel statutum augeri poterit, nisi aliter temporum circumstantia suaserint, & ejusdem Protectoris placitum accedat. Syndicus 80. Lib. Magister Coereoniarum 100. Lib. Bidellus Major 150. Lib. Bidellus Minor 100. Lib. Magister Silentii 70. Lib. Bidellus Scholarum Grammaticae 60. Lib. Custos seu Rector Horologii Achademiae 40. Lib. Scholarum Veruus, qui vulgo Scopator 40. Lib.

Oeconomo Salarium Definitoribus assignandum.

TITULUS LVIII.

De Salariorum Officialium Audientiae Scholasticae.

- §.60. Judex 250. Lib. Notarius 50. Lib. Agualilius 100. Lib. Fiscalis 50. Lib. Cursor 20. Lib. Custos seu Janitor Carceris 30. Lib. Omnia ejusmodi salaria ex redditu Achademiae, eodemque Professoribus & Ministris tempore persolvantur.

TITULUS LIX.

De Feriis.

- §.61. October habet dies feriatos 18 Sancti Lucae Evangelistae. Hac die fit solemnis studiorum instauratio. Professores Achademiae juxta Concilium Tridentinum

num Juramento se obstringunt, & proxima die Lectiones instituunt. 28 Simonis, & Judae Apostolorum.

November.

- 1 Festum omnium Sanctorum. 2 Commemoratio omnium Fidelium Defunctorum. 25 Catharinae Virg. & Mart. 30 Andreae Apostoli.

December.

- 6 Nicolai Episcopi & Confessoris. 7 Ambrosii Episcopi & Confessoris, & Ecclesiae Doctoris. 8 Conceptio B. M. V. 13 Lucia Virg. & Mart. 19 Natalis dies Fundatoris Achademiae, quo etiam prima ejusdem facta sunt fundamenta. 21 Thomae Apostoli. 25 Nativitas D.N. Jesu Christi. Reliqui qui supersunt dies sunt feriatos.

Januarius.

- 1 Circumcisio Domini. 6 Epiphania Domini. 7 Raymundi de Pennafort Confessoris. 17 Antonii Abbatis. 20 Fabiani, & Sebastiani Martyrum. 25 Conversio S. Pauli Apostoli.

Februarius.

- 2 Purificatio B. M. V. 3 Blasii Episcopi & Confessoris. 24 Mathiae Apostoli. Feria secunda & tertia post Dominicam. Quinquagesima, & feria quarta Cinerum Lectiones vacant.

Martius.

- 1 Angelorum Custodum. 7 Thomae de Aquino Confessoris, & Ecclesiae Doctoris. 12 Gregorii Papae & Confessoris, & Ecclesiae Doctoris. 19 Joseph Sponsi B. M. V. 20 Joachim Confessoris. 21 Benedicti Abbatis. 25 Annuntiationis B. M. V. A Dominica Palmarum ad Dominicam in Albis vacant Lectiones.

Aprilis.

- 23 Georgii Martyris. 25 Marci Evangelistae.

Majus.

- 1 Philippi, & Jacobi Apostolorum. 3 Inventio S. Crucis. 8 Apparitio S. Michaelis Archangeli. In Ascensione Domini, Dominica Pentecostes, feria secunda & tertia sequentibus, & in Festo Corporis Christi, Lectiones vacant.

costes, feria secunda & tertia sequentibus, & in Festo Corporis Christi, Lectiones vacant.

Junius.

- 11 Barnabae Apostoli. 13 Antonii de Padua Confessoris. 24 Nativitatis S. Joannis Baptistae. 29 Petri, & Pauli Apostolorum. Hinc ad Festum Sancti Lucae Artium, Matheos, Medicinae, utriusque Juris, & Theologiae Lectiones vacant.

Julius.

- 2 Visitationis B. M. V. 14 Bonaventurae Episcopi & Confessoris, & Ecclesiae Doctoris. Ab hac die usque ad Festum Assumptionis Beatae Mariae Virginis Grammaticae, & Humaniorum literarum vacant Lectiones.

Augustus.

- 16 Rocchi Confessoris. 20 Bernardi Abbatis. 24 Bartholomaei Apostoli. 28 Augustini Episcopi & Confessoris, & Ecclesiae Doctoris.

September.

- 8 Nativitatis B. M. V. 21 Matthei Apostoli. 29 Dedicacionis Sancti Michaelis Archangeli. 30 Hieronymi Patroni, & Confessoris, & Ecclesiae Doctoris. Omnibus hebdomadis, quibus praeter Dominicam Festum aliud non occurret, feria quinta vacant lectiones: Item & diebus singulis, quibus in Catalonia, & Civitate Cervaria Festum de praepcepto colitur.

Dies intercessi, quibus videlicet Lectiones pomeridiana vacant.

- §.62. Pervigilium Ascensionis Domini. Pervigilium Pentecostes. Pridie solemnitatis Corporis Christi. Pervigilium S. Joannis Baptistae. Pervigilium Nativitatis Domini. Ceteri, qui supersunt anni dies, sunt lectivi.

Quicumque Professor dimidium temporis, ad lectionem praefinitam, per incuriam omiserit, mulctam subeat pro tota lectione: Pro dimidia vero tantum, si aliquam ejusdem temporis partem dimidia inferiorem non legerit.

Mulctae pariter, ob negligentiam Professorum intelligenda, secundum dies utiles, ut supradicto titulo LIV. sancitum est, non vero continuos computentur.

L. Card. Picus. Loco \* sigilli. L. Card. Belluga. Loco \* sigilli. T 2 Cum

Mulctae a Professoribus Lectiones omittentibus persolvenda.